



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM

**Komisija za vanjske poslove**

Broj:01,2-011-480-04/03

Sarajevo, 09.04.2003.godine

**ZAPISNIK**

Sa osme sjednice Komisije za vanjske poslove

Sjednica je održana 09.04.2003.godine sa početkom u 09:45 sati.

Sjednici su prisustvovali sljedeći njeni članovi: Martin Raguž, Milorad Živković, Seada Palavrić, Izet Hadžić, Nenad Mišić, Jelina Đurković, Vinko Zorić.

Iz Predsjedništva BiH prisutan je bio Slobodan Radulj, savjetnik za pravna pitanja člana Predsjedništva BiH.

Odsutni su bili: Azra Hadžiahmetović i Sead Avdić.

Sjednicu je otvorio Milorad Živković, a predsjedavanje je nastavio Martin Raguž.

Zapisnik je vodila Merdžana Iglica.

Predsjedatelj Komisije predložio je sljedeći

**DNEVNI RED**

1. Verificiranje zapisnika sa 7. sjednice Komisije za vanjske poslove Parlamentarne skupštine Bosne i Hercegovine;
2. Upoznavanje članova Komisije sa 3. tačkom Dnevnog reda 11. sjednice Zastupničkog doma Parlamentarne skupštine Bosne i Hercegovine, koja će se održati 09.04.2003. god, s početkom u 10:00 sati:
  - Izvješće o ispunjavanju postprijemnih obaveza Bosne i Hercegovine kao članice Vijeća Evrope;
3. Davanje mišljenja za suglasnost za ratificiranje:
  - a) Okvirnog sporazuma o slivu rijeke Save;
  - b) Protokola 12. uz Konvenciju o zaštiti ljudskih prava i temeljnih sloboda;
  - c) Protokola 13. Evropske konvencije o zaštiti ljudskih prava i temeljnih sloboda, koji se odnose na ukidanje smrtne kazne u svim okolnostima.
4. Tekuća pitanja.

Ad.1. Komisija je razmatrala predloženi Dnevni red Komisije za vanjske poslove Zastupničkog doma Parlamentarne skupštine BiH i jednoglasno ga usvojila;

Ad.2. Komisija je razmatrala zapisnik sa 7. sjednice Komisije za vanjske poslove Zastupničkog doma i jednoglasno ga usvojila;

Ad.3. G. Milorad Živković naglasio je da je ispunjenje obaveza prema Vijeću Evrope prioritetno, a g. Martin Raguž kazao da pomenute obaveze trebaju biti osnova vanjskopolitičkih aktivnosti Ministarstva vanjskih poslova i Parlamentarne skupštine BiH i Komisije za vanjske poslove Zastupničkog doma. Zaključci o prioritetima u provođenju postprijemnih obaveza BiH nakon prijema u Vijeće Evrope koje je sačinila sekretar Komisije, gđa Merdžana Iglica, usvojeni su sa sugestijom g. Raguža da zbog uspostave što bolje koordinacije između Bosne i Hercegovine i Vijeća Evrope, Zastupnički dom Parlamentarne skupštine jednom mjesečno raspravlja o obavezama prema Vijeću Evrope. O izvješću o dostignutom stupnju ispunjavanja uvjeta u postupku pridruživanja Bosne i Hercegovine Evropskoj Uniji, Komisija će raspravljati na sjednici u četvrtak, 10.04.2003. godine u 10:00 sati, prije početka 1. plenarne sjednice oba doma Parlamentarne skupštine BiH koja će na dnevnom redu imati samo jednu tačku dnevnog reda:

Izvještaj o dostignutom stepenu ispunjavanja uslova u postupku pridruživanja Bosne i Hercegovine Evropskoj uniji, sa Izvještajem Evropske komisije o Procesu stabilizacije i pridruživanja za Bosnu i Hercegovinu za 2003. godinu.

Ad.3 Komisija za vanjske poslove je dala svoje mišljenje da su ispunjeni uvjeti da Zastupnički dom Parlamentarne skupštine BiH na svojoj sjednici, 09.04. 2003. godine da suglasnost za ratificiranje sljedećih dokumenata:

- a) Okvirnog sporazuma o slivu rijeke Save;
- b) Protokola 12. uz Konvenciju o zaštiti ljudskih prava i temeljnih sloboda;
- c) Protokola 13. Evropske konvencije o zaštiti ljudskih prava i temeljnih sloboda, koji se odnose na ukidanje smrtne kazne u svim okolnostima.

Ad.4. O tekućim pitanja dogovoreno je da će Komisija raspravljati na svojoj sjednici u četvrtak, 10.04.2003. godine u 10:00 sati.

Sjednica je završena u 10:10 sati.

Zapisnik sačinile:

**Merdžana Iglica**, sekretar Komisije  
**Amra Alispahić**, student stažista

Predsjedatelj  
Komisije za vanjske poslove  
**Martin Raguž**